

# АКАФИСТ

СВЯТОЙ ПРАВЕДНОЙ  
БЛАЖЕННОЙ

МАТРОНЕ  
МОСКОВСКОЙ



Москва  
Покровский женский монастырь  
2004



По благословению  
Святейшего Патриарха  
Московского и всея Руси  
**АЛЕКСИЯ II**



# АКАФИСТ

## Кондак 1

Избранная Духом Божиим от пелен младенческих, блаженная старица Матроно, слепоту и немощь телесную ко очищению духовному от Бога приявшая, даром прозрения и чудес обогатилася еси и венцем нетленным от Господа украсилася еси. Сего ради и мы благодарне венец похвальный приносим ти, вопиюще: Радуйся, праведная мати Матроно, теплая о нас к Богу молитвеннице.

## Икос 1

**А**нгел во плоти явилася еси на земли, Матроно блаженная, исполняющи волю Божию. Аще рождество твое в слепоте телесней бысть, но Господь, умудряяй слепцы и любяй праведныя, просвети духовней очи твои, да послужиши людем и дела Божии явятся чрез тебе. Мы же с любовию вопием ти таковая:

Радуйся, от младенчества Богом избранная; радуйся, благодатию Духа Святаго от пелен осененная.

Радуйся, даром чудес измлада обогащенная; радуйся, премудростию от Бога свыше исполненная.

Радуйся, мысленными очима волю Божию прозирающая; радуйся

слепотствующих умом мудрецов  
века сего посрамляющая.

Радуйся, души заблуждшия к  
Богу приводящая; радуйся, скорби и  
печали утोलяющая.


Радуйся, праведная мати Мат-  
роно, теплая о нас к Богу молитвен-  
нице.

## Кондак 2

Видяще людие и иереи, егда кре-  
щаше тя, блаженная, чудный столп  
облачный над главою твоею и обо-  
нявше благоухание велие, дивляху-  
ся, что убо сия отроковица будет,  
поюще Богу: Аллилуия.

## Икос 2

Разум имея просвещенный, не-




рей Божий Василий позна, яко крещаемая от него сосуд благодати Божия есть, и ты, праведная Матроно, отроковицу святѹ нарече. От нашего же усердия приносим ти похвалы сия:

Радуйся, во святей купели благодатию Святаго Дѹха облагоуханная; радуйся, на персех твоих крест запечатленный имевшая.

Радуйся, молитвеннице, от Бога людем дарованная; радуйся, свеще неугасимая, пред Господем сияющая.

Радуйся, даром чудотворения от Бога прославленная на земли; радуйся, венцем неувядаемым от Господа увенчанная на небеси.

Радуйся, милости Божия греш-



ным возвещающая; радуйся, от источника воды живыя жаждущия напаяющая.


Радуйся, праведная мати Матроно, теплая о нас к Богу молитвеннице.

### Кондак 3

Силу Божия благодати ощущаючи, еще во младенчестве сущи, Матроно блаженная, ко иконам святым устремлялася еси, и чистым сердцем и младенческими усты хвалу Богу возглашала еси: Аллилуия.

### Икос 3

Имущи от Бога дар прозрения издетска, блаженная мати, сокровенная сердец приходящих к тебе



ВЕДУЩИ, И ОНЫМ БУДУЩАЯ, ЯКО НА-  
СТОЯЩАЯ СКАЗУЮЩИ, МНОГИЯ ЛЮДИ НА  
ПУТЬ БЛАГОЧЕСТИЯ НАПРАВЛЯЛА ЕСИ.  
ТЕМЖЕ ПРОСЛАВЛЯЮЩЕ БОГА, УМУДРЯ-  
ЮЩАГО СЛЕПЦЫ, ВОПИЕМ ТЕБЕ СИЦЕ:


Радуйся, дивная провидице; ра-  
дуйся, сокровенных грехов обличи-  
тельница.

Радуйся, помраченных душою  
пресветлая наставнице; радуйся,  
завлуждших милостивая путеводи-  
тельница.

Радуйся, звездо, верным путь  
указующая; радуйся, свеще, во  
тьме века сего светящая.

Радуйся, единому Богу послужив-  
шая; радуйся, козни диавольския  
благодатию Духа Святаго поправ-  
шая.






Радуйся, праведная мати Матроно, теплая о нас к Богу молитвеннице.

#### Кондак 4

Буря недоумения и смятения о чудесех твоих в людех развеяся, мати блаженная, и тии, вразумившю их Господу, дивному во святых Своих, прославиша и восхвалиша тя, Богу же с благодарением воспеша: Аллилуя.

#### Икос 4

Слышавше людие, мати Матроно, яко помощь в недузех душевных и телесных подаеши, приходяху к тебе со упованием, и, совет благо-



приятен и исцеление получивше,  
благодаряще Бога, воспеваху тебе:

Радуйся, яко болезнующих и  
страждующих душею приемлещи;  
радуйся, яко мир душам скорбящим  
даруещи.

Радуйся, в заблуждених сущих  
вразумительнице; радуйся, благо-  
честия учительнице.

Радуйся, печалей наших утולי-  
тельнице; радуйся, в скорбех утеш-  
ительнице.

Радуйся, благая безсребренице;  
радуйся, недугов всяческих без-  
мездная врачевательнице.


Радуйся, праведная мати Ма-  
троно, теплая о нас к Богу молит-  
веннице.

## Кондак 5

**Б**оготечная звезда возсияла еси, мати блаженная Матроно, во дни лихолетия во Отечествии нашем, яко новая исповедница, иго Христо-во дерзновенно и безбоязненно чрез все житие пронесла еси, и благодатию Божиею укрепляема, подавала еси недоумевающим вразумление, страждующим ослабу, больным исцеление, благодарственно зовущим Богу: Аллилуия.

## Икос 5

**В**идевше мнози Российстии людие чудеса и исцеления, Божиею благодатию от тебе подаваемая:




хромым - хождение, разслабленным  
и на одре лежащим - исцеление, бес-  
нующимся - дүхов злобы отгнание,  
үстремишася к тебе, мати, яко к  
источнику неисчерпаемому, от него  
же испивше обильно, үмилненным  
сердцем возопиша тебе таковая:

Радүйся, на пүть правый от мла-  
денчества призванная; радүйся,  
праведнице, от Бога нам дарован-  
ная.

Радүйся, целительнице, недүги  
наша исцеляющая; радүйся, в нүж-  
дах наших скоро помогающая.

Радүйся, дүшеполезными советы  
нас вразүмляющая; радүйся, недоү-  
мения наша скоро разрешающая.

Радүйся, дүхи нечистыя от чело-  
век отгоняющая; радүйся, от всяко-



го зла молитвою твоею ограждающая.

Радуйся, праведная мати Матроно, теплая о нас к Богу молитвеннице.

### Кондак 6

Провозвестник святости и праведности жития твоего, блаженная мати, явился святой и праведный отец Иоанн Кронштадтский, егда узре тя во храме и наименова тя свою преемницу таже и осмый столп России. Все же, слышавше сие, прославиша Господа, возглашающе Ему песнь: Аллилуия.


## Икос 6

**В**озсия молитвами твоими, мати Матроно, свет благодати Божия в сердцах, не ведущих Бога и грехми многими прогневающих Его. Тии же, видяще чудеса, тобою совершаемая, обращахуся ко Господу, ублажающе тя сице:

Радуйся, подвиги твоими Бога прославляющая; радуйся, славу Божию нам являющая.

Радуйся, неверным на путь правый наставляющая; радуйся, грехми оскверненные молитвами твоими очищающая.

Радуйся, к покаянию нас призывающая; радуйся, за вся благодарити Господа нас вразумляющая.



Радуйся, храм Божий любити нас  
научающая; радуйся, во ограду цер-  
ковную расточенныя овцы собираю-  
щая.

Радуйся, праведная мати Ма-  
троно, теплая о нас к Богу молит-  
веннице

### Кондак 7

Хотящи Пресвятую Владычицу  
нашу Богородицу достойно увлажи-  
ти, мати Матроно, повелела еси  
людem написать всечестный образ  
Ся, «Взыскание погибших» именуе-  
мый и в храме Божием веси твоея  
водворити, да вси взирающе на  
светлый лик Пречистыя, со уни-  
лением восхвалят Ю, Господу же  
возопиют: Аллилуия.

## Икос 7

**Н**овую ты заступницу, молитвенницу и ходатаицу к Богу дарова Господь в годину тяжкую людем Российским, мнози бо отпадаху от Святыя Церкви, ты же, мати, маловерныя и заблудшия наставляла еси словом и делом, являющи дивная чудеса Божия. Темже воспевает ти сице:

Радуйся, страны нашея Российския неусыпная печальнице; радуйся, спасения нашего ходатаице.

Радуйся, Бога, Судии праведнаго, умилостивительнице; радуйся, недужных и обидимых покровительнице.

Радуйся, немощных и безнадежных





помощнице; радуйся, противу дѹхов  
злобы непрестанная воительнице.

Радуйся, яко трепещутъ ты князи  
бесовстии; радуйся, яко радуются о  
тебе ангелы и человецы.

Радуйся, праведная мати Ма-  
троно, теплая о нас к Богу молит-  
веннице.

### Кондак 8

Странно маловерным и неразү-  
мным бысть, како слепорожденная  
видети и ведети может не точию  
настоящая, но и бѹдущая, не ве-  
дяху бо силы Божия, в немощи че-  
ловечестей совершаемыя. Мы же,  
блаженная мати, премѹдрость Бо-  
жию, в тебе явленнѹю зряще, во-  
пием Богу: Аллилуя.


## Икос 8

**В**сяческия досаждения и обиды, изгнания и укорения претерпела еси, блаженная мати, не сетующи о сем, но за вся благодарящи Бога. Сим же и нас научаеши терпеливно нести крест свой, тебе же благохвалити тако:

Радуйся, в молитве непрестанно пребывавшая; радуйся, дүхов злобы постом и молитвою отгнавшая.

Радуйся, мир благодатный стяжавшая; радуйся, любовьню твою многия окрест тебе спасавшая.

Радуйся, житием твоим изрядно людем послужившая; радуйся, и по кончине твоей людем непрестанно помогающая.



Радуйся, и ныне нашим прошением тепле внимающая; радуйся уповающих на помощь твою не оставляющая.

Радуйся, праведная мати Матроно, теплая о нас к Богу молитвеннице.

### Кондак 9

Всякия скорби и болезни аще и претерпела еси, мати Матроно, непрестанно ведущи брань с силами тьмы, обличающи козни и коварства их, и изгоняющи бесы от одержимых, обаче до кончины дней твоих помогала еси страждущим, недугующим и скорбящим, присно поющи Богу: Аллилуя.


## Икос 9

Вѣсти многовещаннии не воз-  
могут достойно прославить святое  
житие твое и чудеса, силою Бо-  
жиею тобою творимая, предивная  
старице. Мы же, хотяще псалом-  
ски хвалити Бога во святыхъ Его и  
подвигаемии сердечною любовию,  
дерзаемъ пети тебе таковая:

Радуйся, узкий путь и тесная  
врата избравшая; радуйся, добро-  
детельми многими просиявшая.

Радуйся, вся тленная в житии  
твоем отвергшая; радуйся, смире-  
нием, яко венцемъ драгим, украшен-  
ная.

Радуйся, евангельски, яко птица  
небесная, на земли пожившая; радуй-



ся, Сыну Божию, не имевшему, где главу подклонити, последовавшая.

Радуйся, ныне во обителех райских веселящаяся; радуйся, и нас, грешных, молящихся тебе, милостию твоею не оставляющая.

Радуйся, праведная мати Матроно, теплая о нас к Богу молитвеннице.

### Кондак 10

Спасти хотящи многия люди от страданий телесных и душевных недугов, всенощно пребывала еси, праведнице Божия, в молитве, просящи им помощи и укрепления от Господа нашего Иисуса Христа, поющи Ему: Аллилуя.

## Икос 10

Стена и покров была еси во дни жития твоего, блаженная мати, всем к тебе прибегающим, и по смерти не престаеши ходатайствовать пред Богом о людех, с верою притекающих ко гробу твоему. Темже убо, услыши ныне и нас, грешных, скорбьми, болезнями и многими печальми одержимых и потщися на помощь твоими молитвами, всем, к тебе вопиющим:

Радуйся, обидимых скорая предстательнице; радуйся, терпящих лишения утешительнице.

Радуйся, честнаго супружества охранение; радуйся, всех, во вражде сущих, умирение.


Радуйся, неправо на суд влекомых защитительнице; радуйся, и о виновных пред судом земным к Богу милостивая ходатаице.

Радуйся, лишившихся крова пристанище; радуйся, о всех к тебе взывающих, заступнице.

Радуйся, праведная мати Матроно, теплая о нас к Богу молитвеннице.

### Кондак 11

Пение ангельское слышала еси, мати честная Матроно, еще на земли живущи. Научи и нас, недостойных, како подобает славить Бога, в Троице почитаемаго, Отца и Сына и Святаго Духа, Ему же




непрестанно воинства небесная ве-  
легласно воспевают: Аллилу́ия.

## Икос 11

**С**ветозарным светом сияет  
житие твое, блаженная Матроно,  
освещаая мрак многосүетнаго мира  
сего, и влечет к себе дүши наша:  
яко да и мы лучею благодати Божия  
озаримся и скорбный пүть привре-  
менная жизни богоүгодно пройдем  
и Царствія Божія достигнем, иде-  
же ты, мати, ныне вселилася еси,  
слышащи глас наш, тебе зовүщих:

Радүйся, свеще Божія, присно  
горящая; радүйся, висере честный,  
блистаніем святыни твоея нас оза-  
ряющий.





Радуйся, цвете благовонный, Духом Святым нас облагодухажующий; радуйся, камению веры, малодушныя в благочестии утверждающий.


Радуйся, звезда пресветлая, правый путь нам указующая; радуйся, добрая вонительнице Христова, мечем молитвы демонския полки устрашающая.

Радуйся, яко все житие твое свято и непорочно; радуйся, яко и смерть твоя пред Господем честна.

Радуйся, праведная мати Матроно, теплая с нас к Богу молитвеннице.

## Кондак 12


Благодать Божию обильно еще



от пелен восприяла еси, мати блаженная, яже выну пребысть с тобою по вся дни жизни. Веруем несумненно, яко и по успении твоём благодать сия пребогато пребывает с тобою. Сего ради припадающе молимся: не лиши и нас, еше странствующих на земли, помощи твоея и заступления, просящи Господа помиловати всех, поющих Ему: Аллилуия.

## Икос 12

Поюще многая и дивная твоя чудеса, мати Матроно, восхваляем Бога, даровавшего граду Москве и Отечеству нашему во дни безбожия и гонения тя, непоколебимый столп благочестия и веры. Ныне же, блаженная мати, благо-



дарным сердцем воспеваем тебе  
сице:

Радуйся, мир Христов в душе  
твоей стяжавшая; радуйся, сего  
ради многая люди окрест тебе к  
Богу приведшая.

Радуйся, в немощном теле сущи,  
силу Божию благодати показавшая.

Радуйся, во обретении честных  
мощей твоих Божию милость нам  
явившая.

Радуйся, сонма святых Московских  
изрядное процветение; радуйся, града  
Москвы преславное украшение.

Радуйся, Отечества нашего при-  
сная пред Богом печальнице.

Радуйся, к покаянию и молитве о  
земли Российской всех призываю-  
щая.

Радуйся, праведная мати Матроно, теплая о нас к Богу молитвеннице.

### Кондак 13


О блаженная мати, услыши ныне воспоемое тебе хвалебное пение и испроси нам у Господа Иисуса Христа грехов оставление, христианския мирныя кончины и добраго ответа на страшном судищи Его, да и мы с тобою сподобимся в селениих райских славити Святую Троицу, вопиюще: Аллилуия.

(Сей кондак читается трижды,  
затем икос 1 и кондак 1)



## МОЛИТВА

О блаженная мати Матроно,  
душею на небеси пред Престолом  
Божим предстоящи, телом же  
на земли почивающи, и данною  
ти свыше благодатию различныя  
чудеса источающи. Призри ныне  
милостивным твоим оком на ны,  
грешныя, в скорбех, болезнех и  
греховных искушениих дни своя  
иждивающия, утеси ны, отчаян-  
ныя, исцели недуги наши лютыя,  
от Бога нам по грехом нашим



попущаемыя, избави нас от многих бед и обстояний, умоли Господа нашего Иисуса Христа простити нам вся наша согрешения, беззакония и грехопадения, имиже мы от юности нашея даже до настоящаго дне и часа согрешихом, да твоими молитвами получивше благодать и велию милость, прославим в Троице единаго Бога, Отца, и Сына, и Святаго Духа, ныне и присно и во веки веков. Аминь.



## Тропарь, глас 2

Богом умудренную блаженную старицу Матрону, земли Түльския процветение и града Москвы преславное украшение, восхвалим днесь, вернии. Сия бо, света дневнаго не познавши, светом Христовым просветися и даром прозрения и исцеления обогатися. Пресельница же и странница на земли бывши, ныне в чертозех Небесных Престолу Божию предстоит и молится о душах наших.

## Кондак, глас 7

**К** служению Христову от чрева матерня предъизбранная, праведная Матроно, стезе скорвей и печалей шествующи, твердую веру и Благочестие явивши, Богу угодила еси. Темже, почитающе память твою, молим тя: помози и нам в любви Божии пребывати, старице блаженная.

## Величание

**В**еличаем тя, святая праведная блаженная Матроно, и чтим святую память твою, ты бо молиши о нас Христа Бога нашего.